

Handwritten signatures and dates in red ink at the top of the page.

„ს ს ი ვ ი ს“
ამხან. გამომცემს
წიგნი 2.

დაგფუქნაგელი პრეგა

და
სანტრეენო უფლებს.
ს. გორგასლიძე.



თბილისი
სტამბა „გუტენბერგისა“ (Г) Типог. „Гутенбергъ“.
1906



შეკადმების გასწორება:

ზვერდი. სტრიქონი. ღაბიაჯღია. უნდა იყოს.

1.	4.	გორგასლოძესი	გორგასლოძისა
8.	26.	უმრავლესი	უმრავლესი
10.	22.	გამოიცხადეს	გამოაცხადეს
19.	1.	რომელსაც	რომელსაც
21.	5.	მამა-პაიულ	მამა-პაპეულ
26.	22.	სარბებლობენ	სარგებლობენ
29.	22.	სარჩენო	საარჩენო
31.	8.	სარჩენო	საარჩენო
33.	8.	ერთგვარი	ერთგვარი



შენა ღვინიუხვილის
წიგნთსახაზიდან.

30639
2018
175

ღაფუჟანებელი კრება 1931

10/1

და

სააღჩეუნო ყუღლება

30639

ს. გორგასლაძესი

„ს ს ი ვ ი ს“

ამხანაგობის გამოცემა

წიგნი 2.



თფილისი

სტამბა „გუტენბერგისა“ ||| Типог. „Гутенбергъ“.

1906.

Дозволено цензурою. Тиф., 3. декаб. 1905 г.

დამფუძნებელი კრება და საარ- ჩევნო უფლება.

I.

დამფუძნებელი კრება.



ჩვენი ქვეყანა დიდი და მდიდარია, მაგრამ წეს-რიგი აკლია; მოდით და გვეუფლეთო. ასე მიმართეს ამ ათასიოდ წლის წინეთ ძველ რუსების წარმომადგენლებმა უცხო ტომის ბატონებს.

„ჩვენი ქვეყანა გაჭირვებაშია; მიგვიღეთ და გვიპატრონეთო“. არა ერთ-გზის მიუმართავთ ამ სიტყვებით ქართველებს უცხოეთის მეფეებისთვის.

მაგრამ ვერც რუსებსა და ვერც ქართველებს უცხოელმა ბატონებმა სასურველი წესრიგი და კეთილ-დღეობა ვერ მოუპოვეს.

დიდ გასაჭირშია დღესაც ჩვენი ქვეყანა; წეს-რიგი აკლია რუსის ხალხსაც. მაგრამ არც ერთი და არც მეორე პატრონსა და მოწესრიგეს უცხოეთში აღარ ეძებს, რადგან დღეს ორივე ცხადათ გრძნობს და აშკარათ აღიარებს, რომ თვისი პატრონი და ბატონი ხალხი თვითონვეა, რომ ყოველ საზოგადო საქმეს ხალხი თვითონ უნდა განაგებდეს და აწეს-რიგებდეს.

ეს ყოველ ხალხის, ყოველ ადამიანის ძირითადი უფლებაა.

ამ ქეშმარიტების უარ-ყოფა არც ერთ შეგნებულსა და პატიოსან ადამიანს არ შეუძლია.

სწორედ ამ უფლების ძალით, უწინდელს სახელმწიფოებში საზოგადო საქმეებს ყველა სრულწლოვან მოქალაქეთაგან შემდგარი სახალხო ყრილობა განაგებდა. ასე იყო, მაგალათად, ათინის რესპუბლიკაში; ასევე იყო ამ ასის წლის წინათ ჩვენის მთის ხალხის თემებშიაც.

მაგრამ მაშინ ხალხის ცხოვრება შედარებით მარტივი იყო, — და მოქალაქეს საკმაო მოცალეობა ჰქონდა სახელმწიფოს მართვაში **პირდაპირი** მონაწილეობა მიეღო. ამასთანავე, უწინდელი დემოკრატიული სახელმწიფო ვრცელი და ხალხ-მრავალი არ ყოფილა. მისი მცხოვრებნი მუდამ ერთათ იყვნენ და საერთო საქმისთვის შეკრება არ ეძნელებოდათ. დასასრულ, თვით ეს საერთო საქმეც არ იყო მეტათ რთული და ძნელათ გადასაწყვეტი.

სულ სხვა გვარ მდგომარეობაშია ეხლანდელი ხალხი და სახელმწიფო.

დღეს, არა-თუ მთელი ერისა და სახელმწიფოსი, კერძო კაცის ცხოვრებაც-კი იმდენათ გართულდა, გაძნელდა და დაიხლართა, რომ ყოველათ შეუძლებელია, მოქალაქეებმა **ერთსა და იმავე დროს** თვისს კერძო საქმეებსაც მოუარონ და სახელმწიფოს მართვაშიაც **ყველამ** ერთათ **პირდაპირი** მონაწილეობა მიიღონ.

ხალხის ყრილობა დღეს მარტო შვეიცარიის ოთხს კანტონში ადგენს კანონებს და ირჩევს მობელეებს. მაგრამ ესეც მხოლოდ იმის გამო ხერხდება, რომ თითო ამ კანტონთაგანი სივრცითა და ხალხის სიმრავლით ჩვენებურ სასოფლო საზოგადოებას არ აღემატება.

დასავლეთ ევროპის სხვა სახელმწიფოებსა და შვეიცარიისავე დანარჩენ კანტონებში კი **პირდაპირობის** ადგილი **წარმომადგენლობამ** დაიჭირა. ჩვენი დროის ვრცელ სახელმწიფოთა მოქალაქეებს პრაქტიკულათ შეძლება არა აქვთ—საზოგადო საქმეების გასარჩევად ყველანი ერთათ შეიკრიბონ და ითათბირონ. ამიტომ თვის შორის იგინი ირჩევენ საგანგებო კაცებს, —ანუ **დელეგატებს**, —რომელნიც ხალხს თვისი სურვილისა და ინტერესების **წარმომადგენლებად** მიაჩნია და საზოგადო სმქმეების განსჯა—გადაწყვეტას ანდობს.

დღეს რუსეთისათვისაც სწორეთ ასეთი წარმომადგენლობა შეიქნა საქირო, და ყველაზე უწინ—ამ წარმომადგენლობის საძირკველი—**საყოველთაო დამფუძნებელი კრება**.

ამ კრებამ უნდა შეიმუშავოს ის **ძირითადი კანონები**, რომელნიც სახელმწიფოს მომავალს მართვაგამგობას განსაზღვრავს.

რა თქმა უნდა, ეს კანონები იმდენათ უფრო მტკიცე, **სასარგებლო** და ყველასათვის სანდო იქნება, რამდენათაც მათს დამფუძნებელს კრებაში

მთელი ხალხის უფრო მეტი **ნამდვილი** გულშემატკივარი და საქმის მცოდნე წარმომადგენელი მოხვდება. მაშასადამე, აუცილებელია ვიცოდეთ, თუ რა არის საჭირო, რომ დამფუძნებელ კრებაში ხალხის ინტერესთა ნამდვილი წარმომადგენლები გაიგზავნონ.

ამის პასუხს მეორე თავში მივიღებთ.

II.

არჩევნების უმჯობესება.

ეხლანდელის წყობილების მეოხებით, რუსეთის ქვეშევრდომთა უმრავლესობა სახელმწიფოს გამგეობას დაშორებულია და მოქალიქობრივად ძლიერ სუსტად განვითარებული. სოფლის ხალხს არა-თუ სახელმწიფო საქმეებისა არა ესმის-რა, ზოგან თვისი კლასობრივი ინტერესიც—კი ცხადად წარმოდგენილი არა აქვს.

უეჭველია, ამგვარს ხალხს პირველ—ხანათ ძლიერ გაუჭირდება თვის ნამდვილ ინტერესთა დამცველი აირჩიოს და დამფუძნებელ კრებაში წარმომადგენელად გაგზავნოს. ცხადია, აქ მას მცოდნე პირების დახმარება დასჭირდება. ამიტომ აუცილებლად საჭიროა — ხალხის ყოველ „მეგობარს“, მისი ინტერესების მოსარჩლეს, ნება მიეცეს ხალხში თავისუფლად გავიდეს, სადაც მოახერხებს, ყრილობა და საუბარი გამართოს და შეუგნებელს მისი მდგომარე-

ობა შეაგნებინოს. მაშინ ხალხი თვითონვე მიხვდება, თუ ვის შესტკივა მისთვის გული და ვინ გამოდგება მის წარმომადგენლად.

ერთისიტყვით, საჭიროა **წასვლა—წამოსვლი-სა, შეკრებისა და სიტყვის სრული თავისუფლება**. მაშასადამე, საჭიროა, ევრეთ წოდებული „პასპორტები“ მოისპოს და პოლიციას ნება აღარ ექმნეს—ხალხის თათბირში ჩაერიოს, მოსაუბრეს სიტყვა გააწყვეტინოს, ან კრება დაშალოს და სხვა. ხალხს უფლება უნდა მიეცეს, **სადაც და როდესაც სურს**, კრება მოახდინოს და, **რაზედაც სურს**, ისაუბროს. ეს უფლება რამოდენათმე უკე მოპოებული გვაქვს, მხოლოთ საჭიროა ეხლა იგი ხელიდან აღარ გავუშვათ და, რაც გაგვეწყობა, ფართოთ ვისარგებლოთ იმითი.

საჭიროა, დაუყონებლივ მოისპოს, ევრეთ წოდებული, **გაძლიერებულ დაცვის წესები**, რომლის ძალითაც პოლიციას დღეს სრული უფლება აქვს, ვინც არ მოეწონება, დაატუსალოს, საპრობილეში ჩააგდოს ან სხვარამ სასჯელი დაადოს. დამნაშავის დატუსალება მანამდე არავის უნდა შეეძლოს, სანამ ამას ხალხის მიერ არჩეულ ნაფიცმსაჯულთა სასამართლო არ გადაწყვეტს. **საჭიროა პიროვნების ხელშეუხებლობა**. მაგრამ პიროვნებასთან მჭიდროთ შეკავშირებულია მისი **საცხოვრებელი ბინაც** და ყველაფერი, რაც მისს საკუთრებას შეადგენს. ამიტომ საჭიროა ბინის ხელშეუხებლობაც. მთა-

ვრობას უფლება არ უნდა ექმნეს, კერძო ბინები გაჩხრიკოს და მოქალაქეს მყუდროება შეუშფოთოს.

საჭიროა, ხალხს ყოველ გვარი **კავშირებისა და წრეების სრული თავისუფლება** მიეცეს, რადგან მოქალაქეებს მხოლოდ ამგვარ კავშირებსა და წრეებში შეუძლიათ თავისი მდგომარეობა და საჭიროებანი ფართოთ, ყოველმხრივ და სისტემატურათ განსაჯონ და გაითვალისწინონ. ხოლო, სადაც ხალხს თავისი მდგომარეობა და საჭიროება ჯეროვნათ შეგნებული არა აქვს, იქ ყოველათ შეუძლებელია დამფუძნებელი კრებისთვის რიგიანი წარმომადგენელი აირჩიონ. ამიტომ აუცილებლათ საჭიროა ყოველი მოქალაქე ან უკვე არსებულ კავშირებს შეუერთდეს ან დანარჩენებთან ერთათ ახალი კავშირი შეადგინოს.

ზემოთ ჩვენ სიტყვა ხალხის „მეგობრებზედ“ ჩამოვაგდეთ. როგორც ვიცით, ხალხის „მეგობართა“ მეტი ნაწილი ღღეს „პოლიტიკურ დამნაშავედ“ გამოცხადებულია და ბნელ ციხეებში ჩამწყვდეული ან — დასადღაც შორეულ გუბერნიაშია გადასახლებული. საჭიროა ამათ ყველას დაუყონებლივ **„დანაშაული“ ეპატიოთ** და ნება მიეცეთ, სადაც მოისურვებენ, იქ იცხოვრონ და იმოქმედონ.

მართალია, პოლიტიკურ „დამნაშავეთა“ ერთს ნაწილს დანაშაული ეპატივა და ისინი ღღეს უკვე განთავისუფლებული არიან, მაგრამ მათი უმრავლესი ნაწილი ღღესაც ციხეებშია დამწყვდეული და

შორეულ გუბერნიებში გადასახლებული. საჭიროა, ხალხმა მედგრათ მოთხოვოს მთავრობას ამ დანარჩენ აივის „მეგობართა“ განთავისუფლებაც. ამას მოითხოვს როგორც სრული სამართლიანობა, ისე თვით საქმის სარგებლობა, რადგან სამუშაო ბევრია — „მუშაკნი“-კი ცოტა, ძლიერ ცოტა.

მაგრამ არჩევნების შესამზადებლად ყველაზე უფრო საჭიროა ჟურნალ—გაზეთებისა და, სხერთოთ, **ბეჭვდითი სიტყვის სრული თავისუფლება**. კრებაში მოსაუბრის მოსმენა, სულ ბევრი, ხუთას ან ათას კაცზე მეტს არ შეუძლია, წიგნი და გაზეთი—კი ხუთი და ათი—ათასობით ვრცელდება და მთელს მხარეს ეფინება. ამას გარდა ხშირათ მოხდება, რომ კრებაზე მოსაუბრე თავის აზრს სავსებით ვერ განმარტავს ან ჯეროვნათ ვერ დაასაბუთებს. ბეჭდურ სიტყვას კი შეუძლია, ესნაკლი თვალსაჩინოთ შეავსოს და მკითხველს საგნის სრული განხილვა წარუდგინოს. მართალია, ჟურნალ—გაზეთობას რამოდენათმე უკვე მიეცა თავისუფლება, მაგრამ წიგნების გამოცემაზე კი ესევე არ ითქმის. აქ ჯერ ისევ ძველი წესი მოქმედობს. ამიტომ აუცილებლათ საჭიროა, ეგრეთ წოდებული, წინასწარი **ცენზურა** დაუყონებლივ მოისპოს და ჟურნალ—გაზეთების რედაქტორებს და წიგნების გამომცემლებს სრული თავისუფლება მიეცეთ—თვისი გამომცემანი ხალხში დაუბრკოლებლათ გაავრცელონ.

როდესაც ნაჩვენების გზით ხალხის მომზადება

დასრულდება, მაშინ უკვე შესაძლო შეიქმნება თვით არჩევნების თადარიგს შევუდგეთ.

აქ თავდაპირველათ საჭიროა მთელი მხრის საარჩევნო ოლქებად დაყოფა. მაგრამ ამას მესამე თავში განვიხილავთ.

III.

ს ა რ ჩ ე ვ ნ ო ო ლ ქ ე ბ ი ს წ ი ნ .

საარჩევნო ოლქების რიცხვი იმაზეა დამოკიდებული, თუ რამდენი წარმომადგენელი უნდა გაგზავნოს ამა თუ იმ მხარემ დამფუძნებელ კრებაში. ვთქვათ, საქართველოდან რვა წარმომადგენელი მოითხოვეს. მაშინ, მცხოვრებთა რაოდენობის მიხედვით, მთელი საქართველო რვა საარჩევნო ოლქად უნდა გაიყოს.

ეს ოლქები ზოგიერთ ალაგას შეიძლება უკვე არსებულს ოლქებსა და მაზრებს უდრიდეს, ზოგან კი არა. მაგრამ საზოგადოთ კი აუცილებლათ საჭიროა, **მცხოვრებთა რიცხვი ყველა საარჩევნო ოლქებში თანასწორი იქმნეს.**

ვსთქვათ, 150—ათას—სულიანს რომელსამე ქალაქსაც ერთი საარჩევნო ოლქის უფლება მისცეს და იქვე 100—ათასიანი მაზრაც ცალკე საარჩევნო ოლქად გამოიცხადეს. უმჯველია, აქ საარჩევნო უფლების თანასწორობა დაირღვევა, რადგან ხალხ—მრავალსა და პროგრესიულ ქალაქსაც ერთი წარმომადგენელი ეყოლება დამფუძნებელ კრებაში და ხალხ—მცირე კონსერვატიულ მაზრასაც.

ასევე დაირღვევა უფლების თანასწორობა, თუ რომ ამავე ქალაქს ორ საარჩევნო ოლქად გავყოფთ, ე. ი. ორი დეპუტატის უფლებას მივცემთ, 100—ათასიან მაზრას კი იმავე მდგომარეობაში დავტოვებთ.

აი, ამისთვის არის საჭირო, რომ ამა თუ იმ მხრის ოლქებად დანაწილებას მცხოვრებთა რიცხვის თანასწორობა დაედოს საფუძვლად.

ამას გარდა, საზოგადოებრივ კლასთა ინტერესებსაც ყურადღება უნდა მიექცეს. მაგალითათ, დანაწილები იქნება მუშათა კლასის წინაშე, რომ თბილისის სამი უბანი: დიდუბე, ნაძალადევი და ხარფუხი, სადაც მუშა-ხალხი ბლომათ ცხოვრობს, ერთმანეთს დააშორონ და საარჩევნო მხრით ტფილისისა, თიანეთისა და დუშეთის მაზრებს მიაწერონ, სადაც სოფლის უკან—ჩამორჩენილი წვრილი მესაკუთრე გაცილებით უფრო ბევრია ამ მუშებზე. რატომ უნდა, არჩევნების დროს მუშები ვერც ერთს თავის კანდიდატს ვერ გაიყვანენ, რადგან მათ ხმას აქ სოფლის წვრილი ბურჟუაზიის უმრავლესობა დაჰფარავს და მნიშვნელობას დაუკარგავს.

სწორეთ ასეთი წესი შემოიღო გერმანიაში ცნობილმა კანცლერმა ბისმარკმა და სახელად „საარჩევნო გეოგრაფია“ უწოდა. როგორც ვხედავთ, ეს „გეოგრაფია“ სოფელს ბევრს ვერაფერსა სძენს, მუშათა კლასისთვის კი დიდათ მავნებელია.

ამიტომაც საარჩევნო ოლქთა შემოფარგლის

დროს მხოლოდ ხალხის რიცხვითა და თვით ოლქის ადგილ-მდებარეობით უნდა იხელმძღვანელონ და არა ისეთის მოსაზრებით, რომელიც ერთს კლასს დაჩაგრავს, მეორეს კი სარგებლობას ვერ მოუტანს.

როდესაც მთელი მხარე ოლქებად დანაწილდება, თვითეულ ოლქისათვის **ამომრჩეველთა სია** უნდა შესდგეს, ე. ი. ნუსხა იმ პირებისა, რომელთაც უფლება აქვთ არჩევნებში მონაწილეობა მიიღონ.

დასავლეთ ევროპაში ამ სიებს ზოგან მთავრობა ადგენს, ზოგან კი განსაკუთრებული კომისიები. აქ ვერ გამოვუდგებით იმის გარჩევას, თუ ამ წესში რომელია უმჯობესი. ვიტყვით მხოლოდ, რომ აღნიშნული სიების შედგენა უსათუოდ ისეთს პირს ან დაწესებულებას უნდა მიენდოს, რომელიც ამ საქმეს პირნათლათ შეასრულებს.

სიები უნდა დაიბეჭდოს და მთელს ოლქში ისეთს ალავს გამოიკიდოს, სადაც ხალხი ბლომათ მიდი-მოდის და იკრიბება, რათა ყოველ ამომრჩეველს შეეძლოს დარწმუნდეს, რომ იგი სიაში გამოტოვებული არაა, ხოლო, თუ გამოტოვებულია, სიის შემდგენელს დროიანათ მიმართოს და შეცდომა გაასწორებინოს.

წინდაწინვე უნდა დაინიშნოს დრო და ალავი, სადაც არჩევნები მოხდება. ამ საქმის შესრულებას და აგრეთვე თვით არჩევნების გაძღოლასაც დასავლეთ ევროპაში, ჩვეულებრივ, განსაკუთრებულ და-

წესებულებას ანდობენ, რომელსაც **საარჩევნო ბიურო** ეწოდება.

თუ ოლქი პატარაა, ერთი ბიუროც ეყოფა. მაგრამ, როცა ოლქი შორს მანძილზეა გაშლილი, მაშინ ბიუროებიც მეტია საჭირო. რომ არჩევნების დროს მიკერძებას და სხვა ბოროტ—სარგებლობას აღვლილი არ ექნეს, საჭიროა ბიუროს წევრებად ყველა საზოგადოებრივ პარტიისა და კლასის წარმომადგენლები დაინიშნონ.

დროიანათ უნდა გამოცხადდეს **ასარჩევ კანდიდატების**, ე. ი. იმ პირების ვინაობა, რომელთაც არჩევნების დროს მთელი ოლქი კენჭს უყრის.

კანდიდატის წამოყენება ყოველ ჯგუფს, ყოველ კლასსა და პარტიას შეუძლია. დაბასა და სოფელსაც ნება აქვს კანდიდატი დასახელოს.

როცა კანდიდატი დასახელებულია, მან მთელი საარჩევნო ოლქი უნდა შემოიაროს, მიტინგები გამართოს და ხალხს თვისი შეხედულება, მიმართულება და მომავალ მოქმედების გეგმა გააცნოს.

დასასრულ, ყოველ ამორჩეველს მის სახელზე გაკეთებული პატარ-პატარა ბარათი (**სარჩევნო ბარათი**) ჩამოაურიგდება, რომელიც არჩევნების დროს ბიუროში უნა წარადგინოს. არავის ნება არა აქვს, ეს ბარათი სხვას გადასცეს, გაყიდოს ან გაასაჩუქროს.

აქ თავდება არჩევნების წინასწარი მუშაობა და იწყება თვითონ არჩევნები. მაგრამ, სანამ ამ

უკანასკნელთა აღწერას შევუდგებოდეთ, საჭიროა გავითვალისწინოთ, თუვისა აქვს უფლება არჩევნებში მონაწილეობა მიიღოს, ე. ი. სხვა აირჩიოს ან თვითონ არჩეულ იქნას.

ამის პასუხს საარჩევნო უფლების განხილვა მოგვცემს.

IV.

საარჩევნო უფლება.

საარჩევნო უფლება ორ გვარია: **აქტიური** და **პასიური**. აქტიურს იმ უფლებას ეძახიან, რომლის ძალითაც ყოველ სრულ-წლოვან მოქალაქეს ნება აქვს—**სხვა აირჩიოს**.

ხოლო, როდესაც იმავე მოქალაქეს შეუძლია **სხვისგან არჩეულ — იქნას**, ეს კი პასიური უფლებაა.

ჯერ—ჯერობით აქტიურ საარჩევნო უფლებაზე გვექნება საუბარი.

დღეს ყველგან გვესმის და თითქმის ყოველ გაზეთში ვკითხულობთ, რომ საარჩევნო უფლება **საყოველთაო, თანასწორი, პირდაპირი და ფარული** უნდა იყოსო.

აგხსნათ, რას ნიშნავს ეს სიტყვები.

V.

საყოველთაო საარჩევნო უფლება.

თავის-თავათ იგულისხმება, რომ სიტყვა **საყოველთაო** იმას კი არ ნიშნავს, თითქო ყოველს ძუძუ-მწოვარს ბავშვს, შემლილს, აშკარა დამნაშავეს ან ნაფიც მსაჯულთა მიერ ღირსება ახდილს

პირს უფლება ქონდეს არჩევნებში მონაწილეობა მიიღოს.

როდესაც საყოველთაო საარჩევნო უფლებას თხოულობენ, ამით მხოლოდ იმისი თქმა სურთ, რომ არჩევნებში მონაწილეობის მიღება უნდა შეეძლოს ყოველ მამაკაცსა და დედაკაცს, რომელსაც სრულ-წლოვანობამდე მიუღწევია და არცერთი ზემოთ დასახელებული ნაკლი არა აქვს.

საყოველთაო საარჩევნო უფლებას ბევრი მოწინააღმდეგე ჰყავს. იგინი გაიძახიან:

„როგორ შეიძლება, **მდაბიო ხალხსაც** ისეთივე უფლება მიეცეს, როგორიც მოქალაქობრივად მომწიფებულ კლასებს ეძლევაო. თავდაპირველათ საჭიროა, მდაბიო ხალხი იმ ზომამდე განვავითაროთ, რომ სახელმწიფო მართვა-გამგეობის აზრი შეიგნოს, და მერე მივცეთ საარჩევნო უფლებაო“.

მაგრამ, როგორც მოგეხსენებათ, „სანამ პავლე მოვიდოდეს, პეტრეს ტყავი გააძვრესო“; — და, ამასთანავე, აღნიშნული საბუთი იმ ბატონების მსჯელობას მოგვაგონებს, რომელნიც ერთ დროს ამერიკაში მონათა განთავისუფლების წინააღმდეგ გაიძახოდნენ: „სანამ მონებს განვათავისუფლებდეთ, ჯერ განათლება უნდა მივსცეთ, თორემ ეხლანდელი მონები თავისუფლების სიკეთით ვერ ისარგებლებენო“.

მაგრამ, კაი ხანია, მონები განთავისუფლდნენ და არა მარტო მოქალაქობრივ თავისუფლებით, პოლიტიკური უფლებებითაც კი ჩინებულათ ისარგებლეს.

ყველგან და ყოველთვის, როდესაც მდაბიო ხალხს საარჩევნო უფლება ეძლეოდა, იგი სწრაფათ ცნობიერდებოდა და აღნიშნულის უფლებით არისტოკრატიულ კლასებზე ნაკლებ არა სარგებლობდა.

კიდევ უფრო კარგათ სარგებლობდა ხალხი საარჩევნო უფლებით, როდესაც იგი ბრძოლით ჰქონდა მოპოებული.

ხალხს ბევრი ჩიხინი არ სჭირაა, რომ თვისი ინტერესები შეიგნოს. ხოლო დემუტატის ასარჩევად ეს სრულიათ საკმაოა.

ესევე უნდა ითქვას იმ პირების წინააღმდეგაც, რომელნიც ქალთა საარჩევნო უფლებას უარჰყოფენ ან ნაადრევად სთვლიან.

ყველამ იცის, რომ ეხლანდელ საზოგადოებაში ქალები უფრო დაჩაგრული არიან, ვინემ კაცები. როგორც სახელმწიფოში, ისე საზოგადოებაში და ოჯახშიაც ქალი მოკლებულია იმგვარს უფლებას, რომელსაც მამა-კაცს არავინ ეცილება.

მთელ საუკუნეთა განმავლობაში ქალი უუფლებოდ რჩებოდა და, ამისგამო, რაღაც მივიწყებულ და მშიშარა არსებად იქცა, რომელსაც ძალა არ შესწევს, თვისი ღირსება და ინტერესი მტკიცეთ დაიცვას.

რა თქმა უნდა, თუ დედა მონურის გრძნობებით გამსჭვალულია, შეილსაც ამგვარ გრძნობებს ჩაუნერგავს. თუ კოლს არ გაეგება ის ბრძოლა, რომელსაც მისი ქმარი ეწევა, უქველია, ქმრის ხე-

ლის-შემშლელი იქნება და ცრემლ-საყვედურით სი-
ცოცხლეს მოუწამლავს.

აუცილებლათ საჭიროა, ქალებიც მოქალაქეე-
ბი გახდენ და უკეთეს ცხოვრებისათვის მამა-კაცებ-
თან ერთად იბრძოლონ. საამისოდ კი საჭიროა უუფ-
ლებო მდგომარეობიდან გამოვიდენ და საზოგა-
დო საქმეებში მონაწილეობა მიიღონ.

რუსეთის კანონით, მოქალაქობრივი სრულ-
წლოვანობის დასაწყისად 21-წელი ითვლება.

30639 თავისთავათ იგულისხმება, რომ ის პირი, რო-
მელმაც ქვეყნის მართვაში მონაწილეობა უნდა მი-
იღოს, აზრ-შეხედულებითაც მომწიფებული უნდა
იყოს. მაგრამ, დიდი შეცთომა იქნება, აქედგან ის
დასკვნა გამოვიტანოთ, თითქოს მოქალაქობრივი
სიმწიფე უსათუოთ წელთა სიმრავლეზე იყოს და-
მოკიდებული, და ამ დასკვნის თანახმად, იმ ქვე-
ყნებს წავბაძოთ, სადაც საარჩევნო სრულ-წლოვა-
ნობის დასაწყისად 24, 25 და 30 წელია მიღებული.

არ უნდა დავივიწყოთ, რომ დღეს ცხოვრება
შეიცვალა და მასთან ერთად ახალთაობაც შედარე-
ბით უფრო ადრე ვითარდება, ვინემ ეს ამ ასის ან
ორმოცდა ათის წლის წინათ იყო. ამიტომ საბუთი
არა გვაქვს, 20 წლის მუშა მოქალაქე უფრო ნაკ-
ლებ მომწიფებილად ჩავთვალოთ, ვინემ სოფლათ
დაბადებული და აღზრდილი ოცდახუთი წლის გლეხი.

კერძოდ, კავკასიელების შესახებ ისიც შეგვი-
ძლია დავუმატოთ, რომ, ადგილობრივი ჰავის წყა-

ლობით, აქაური ქალი და კაცი ადრე მწიფდება სქესებრივად, რასაც ფრიად დიდი გავლენა აქვს ადამიანის საზოგადო მომწიფებაზედაც. თუ რუსეთის შიდა გუბერნიებში სქესებრივი მომწიფების ხანად 17—18 წელია მიღებული, ჩვენში ამავე მდგომარეობის დასაწყისად 13—15 წელი ითვლება.

რუსთათვის სქესებრივ და მოქალაქობრივ სრულწლოვანობის განსხვავება 3 წელია— $(18 + 3 = 21)$. ამის კვალობაზე, კავკასიელთათვისაც მოქალაქობრივი სრულ წლოვანობის დასაწყისად 18 წელი $(15 + 3 = 18)$ შეგვიძლია ჩავთვალოთ, ე. ი. სწორეთ ის წელი, რომელიც შვეიცარიის ზოგიერთ კანტონში საარჩევნო სრულწლოვანობის ხანადაა მიღებული.

ჩვენ წინააღმდეგი არა ვართ, სრულ—წლოვანობის დასაწყისი 20 წლამდე ავსწიოთ, მაგრამ ამას იქით მომატება კი სასურველად არ მიგვაჩნია.

არ უნდა დავივიწყოთ, რომ ადამიანი ახალგაზღობისას უფრო გულწრფელათ ეძლევა საზოგადო საქმეს, თანაც საკუთარ სარგებლობას ივიწყებს, ვინემ 25—30 წლისა და მეტის ხნის ვაჟკაცი, რომელიც, ხშირათ, რაკი ცოლშვილში ჩავარდება, იძულებული ხდება—ერთსა და იმავე ადგილს (სამსახურს ან სამუშაოს) მაგრათ ჩაებლაუქოს და, მისი დაკარგვის შიშით, ამ ქვეყნის ძლიერთა წინაშე მეტათ მომთმენი და დამთმობი შეიქნეს.

ამ რიგათ, საყოველთაო საარჩევნო უფლება

მოითხოვს, რომ ყოველ ქალსა და კაცს, რომელსაც დაბადებიდგან 20 წელი მაინც შესრულებია, ნება ექნეს, არჩევნებში მონაწილეობა მიიღოს.

ეს უფლება არ უნა იქმნეს შეზღუდული არც ქონებით, არც წერაკითხვის ცოდნით, არც ბინადრობით და არც სხვა მრავალ—გვარ ხელშემშლელ პირობებით, რომელთაც ეხლავე შევეხებით.

რა თქმა უნდა, სულ სხვაა, როდესაც ამბობენ: „საარჩევნო უფლება ყველა სრულ-წლოვან მოქალაქეს აქვსო“; და სულ სხვაა, როდესაც ამ სიტყვებს შემდეგს კუდს მიამბენ: „საარჩევნო უფლება აქვს ყოველს სრულ-წლოვან მოქალაქეს, რომელიც ხაზინას ამდენსა და ამდენს პირდაპირს გარდასახადს იძლევის, **ოჯახის თავად** ითვლება, წერა-კითხვა იცის და საარჩევნო ოლქში ერთი ან ორი წელი მაინც უცხოვროიო“.

აქ საყოველთაო უფლებიდან სანახევროც აღარა რჩება-რა. განვმარტოთ ეს აზრი.

დასავლეთ ევროპაში ხშირი მაგალითია, რომ საარჩევნო უფლება „ყველა“ სრულ-წლოვან მამაკაცს ეძლევა, მაგრამ მარტო მაშინ, როცა იგი ხაზინის სასარგებლოდ პირდაპირს გადასახადს იძლევა. ცხადია, იქ ღარიბ-ღატაკსა და უმიწა-წყლო მუშას ხმის უფლება არა აქვს, რადგან იგი „პირდაპირ გადასახადს“ არ იხდის, თუმცა არა—პირდაპირი გადასახადები სხვა და სხვა გვარი ბაჟის სახით მა-

საც იმნაირათვე აწევს კისერზე, როგორც ყველა სხვა მოქალაქეს.

სოფლის გლეხ-კაცობა პირდაპირ გადასახადს იძლევა. მაგრამ ზოგჯერ მასაც ეუბნებიან: თქვენ შორის მარტო იმ მამა-კაცებს შეუძლიათ არჩევნებში მონაწილეობა მიიღონ, რომელნიც **ოჯახის თავებად** ითვლებიანო. როგორც ვიცით, მთელს ოჯახში თავი კაცი მარტო ერთია, მაგრამ ხშირათ იმავე ოჯახში სხვაც ბევრი სრულ-წლოვანი კაცი და ქალია. შექველია, თუ აღნიშნული პირობა მივიღეთ, ეს უკანასკნელნი სარჩევნო ხამის გარეშე დარჩებიან.

ზოგჯერ საარჩევნო უფლების აუცილებელ პირობად **წერა-კითხვის ცოდნას** სთვლიან და საყოველთაო საარჩევნო უფლებას ასე გამოხატავენ: „არჩევნების უფლება აქვს ყველა სრულ-წლოვანს, **წერა-კითხვის მცოდნე** მოქალაქესო“.

მაგრამ ჩვენში 100 სრულ-წლოვან ქალსა და კაცზე წერა-კითხვის 10 მცოდინეც ძლივს უწევს, მაშასადამე, დანარჩენი 90 კაცი და ქალი უხმოდ დარჩება. ცხადია, ვერც ერთი ქუთათა-მყოფელი გლეხი და მუშა ამ გვარს „საყოველთაო“ უფლებას ვერ დასთანხმდება, რადგანაც მათ შორის წერა-კითხვა ყველაზე უფრო ნაკლებ გავრცელებულია და, მაშასადამე, აღნიშნულ წესით სხვებზე უფრო მეტათ იგინი დაიჩაგრებიან.

ძლიერ ცუდია, როდესაც სრულ-წლოვან მოქა-

ლაქეს მარტო მაშინ აღლევენ სარჩენო უფლებას, როცა მას ამა თუ იმ ალაგას ერთი ან ორი წელი მაინც უცხოვრია. ამგვარი წესი ყველაზე უფრო მუშა ხალხს ავიწროებს, რადგან იგი ხშირათ თავის საცხოვრებელს მამა-პაიულ მიწაწყალს მოწყვეტილია და დღიურ ლუკმა-პურისთვის ასსა და ათას ვერსზეა წასული, თანაც იძულებულია მეტის ხელფასის ძებნაში ადგილი ხშირ-ხშირათ გამიცივლოს.

ცხადია, ამისთანა მუშა აღნიშნულ „საყოველთაო“ უფლებით ადვილათ ვერ ისარგებლებს, რადგან მისთვის ძნელია, ორი-სამი დღით სამუშაოლოსკენ გაისეირნოს, არჩევნებში მონაწილეობა მიიღოს, შემდეგ უკან დაბრუნდეს და თავის დამჭირავებლისაგან კვლავ სამუშაო იშოვოს.

დასასრულ, საყოველთაო საარჩევნო უფლებებისთვის თვით ისეთს უბრალო გარემოებასაც კი დიდი მნიშვნელობა აქვს, როგორიც, მაგალითად, **დრო** და **ადგილია**, სადაც არჩევნები უნდა მოხდეს.

საკმაოა, მაგალითად, არჩევნები საქმის დღეს დაინიშნოს, რომ მუშა ხალხის უმრავლესობამ არჩევნებში მონაწილეობა ვეღარ მიიღოს; ამიტომ საჭიროა, არჩევნები უსათუოთ **კვირა-უქმეობით** ინიშნებოდეს, როდესაც თითქმის ყველა მოცლილია.

უკანასკნელ, თუ საარჩევნო **ბიურო** ხალხისათვის **დასამხარ ალაგას** არ იქნა გამართული, წვრილ-შვილისა და ოჯახობის პატრონი ხელ-მოკლე კაცი და ქალი ადვილათ ვერ მოახერხებს—ოჯახი ღვთის

ანაბრათ დატოვოს და მთელის დლით ან მეტი ხნითაც შორს ბიუროში გაემგზავროს. უეჭველია, იგი იძულებული გახდება კენჭის ყრაზე ხელი აიღოს.

ამიტომ აუცილებელათ საქიროა, როცა საარჩევნო ოლქი ვრცელია, ბიურო ისეთს ალაგას გაიმართოს, სადაც ხალხს მისვლა-მოსვლა ყოველ მხრიდან ადვილათ შეუძლია.

VI

თანასწორი საარჩევნო უფლება

ყოველ ამორჩეველს იმდენი ხმა უნდა ექნეს, რამდენიც თვითეულს დანარჩენს, ან, როგორც ინგლისელები ამბობენ: „ერთი კაცი- ერთი ხმაო“; არც მეტი, არც ნაკლები.

ზოგიერთ ქვეყნებში ყოველ სრულ-წლოვანს მამა-კაცს თითო კენჭი აქვს მიცემული. მაგრამ, ამას გარდა, მდიდარსა და განათლებულ პირებს კიდევ ზედმეტი ხმაც ეძლევათ—**თანხისა, ადგილ-მამულისა და ნასწავლობის მიხედვით.**

როგორც ვიცით, მდიდარი და განათლებული კაცი, სიმდიდრისა და განათლების წყალობით, ერთი ხმითაც უკეთ ისარგებლებს, ვინემ გაუნათლებელი და ღარიბი მოქალაქე. მაშ რაღა სამართალი იქნება, რომ მდიდარსა და განათლებულს კიდევ ზედმეტი ხმაც მიეცეს.

დიდს უთანასწორობას გამოიწვევს, აგრეთვე რომ მთავრობამ გამოაცხადოს:

„ყველას თანასწორი საარჩევნო უფლება აქვს, მაგრამ

თვითეულმა წოდებამ თავისი დეპუტატი ცალ-ცალკე აირჩიოსო ე. ი. ყოველმა საარჩევნო ოლქმა იმდენი დეპუტატი გამოგზავნოს, რამდენიც წოდება არისო.

ვიციოთ, გლებ-კაცობა ყველაზე მეტი წოდებაა. ვთქვათ, ოლქში ხუთიათასი ამომრჩეველი გლებია და ათასი—აზნაური. პირველნიც ერთს დეპუტატს გაგზავნიან და მეორენიც. რას ნიშნავს ეს?

ეს იმას ნიშნავს, რომ ათასი აზნაურის ხმასაც იმდენი ძალა ექნება, რამდენიც 5000 გლებისას, ანუ, სხვანაირათ რომ ვთქვათ, გლების ხმა ხუთჯერ სუსტი და ნაკლები იქნება აზნაურისაზე.

ამიტომ დღეს ყოველი შეგნებული ხალხი თხოულობს, რომ საარჩევნო უფლება თანასწორი იყოს, **განურჩევლათ წოდებისა და მდგომარეობისა.**

ზემოთ მესამე თავში, უკვე დავინახეთ, თუ რა-ოდენათ ვნებს საარჩევნო უფლების თანასწორობას, ეგრეთ წოდებულთ, „საარჩევნო გეოგოგოაფია“.

ამაზე ნაკლებ მავნებელი არ არის **ორპალატიანი** მართვა—გამგეობის წესიც.

ვეროპის ზოგიერთ სახელმწიფოში კანონმდებლობის საქმე ორს პალატას ანუ ორს კრებულს აქვს მინდობილი. ჩვეულობრივ, ერთს **ზემო-პალატა** ეწოდება, მეორეს **ქვემო-პალატა**.

თუ ზემო-პალატამ არ მოიწონა, ისე ვერც ერთი ქვემო-პალატაში შემუშავებული კანონი ვერ გავა.

ქვემო-პალატის წევრებს მთელი ხალხი ირჩევს, მათ შორის შეძლებული კლასებიც. ზემო-პალატის წევრებს კი მარტო შეძლებული კლასები ირჩევენ, ზოგან თვითონ მეფე ნიშნავს.

ცხადია, კენჭის „თანასწორობა“ აქაც ფუჭი სიტყვაა, რადგან შეძლებულ კლასებს **ორი კენჭის** უფლება აქვს (დებუტატებს ორსავე პალატაში ირჩევენ), დანარჩენებს კი — მარტო ერთისა.

ამასთანავე, ორ-პალატიან მართვა-გამგეობის დროს, შეძლებულ კლასების ხმასაც **მეტი ძალა აქვს**, ვინემ დანარჩენ ხალხისას, რადგან, როგორც ვთქვით, ვერც ერთი კანონი ისე სისრულეში ვერ მოვა, თუ იგი ზემო-პალატამაც არ მოიწონა. მაშასადამე, საკმაოა, ამ ერთმა-მუჭა კრებულმა ქვემო-პალატის მიერ შემუშავებული კანონი დაიწუნოს, რომ ხალხის უმრავლესობის წარმომადგენელთა ნამოქმედარს ყოველი პრაქტიკული მნიშვნელობა დაეკარგოს.

ასეთია ორ-პალატიანის წესის უკუღმართი მხარეები.

ამიტომაც დღეს ყოველი მოწინავე პარტია თხოულობს, რომ **ხალხის წარმომადგენლობა იყოს ერთი და განუყოფელი.**

თანასწორობის პრინციპს არღვევენ ის ქვეყნები, რომელნიც შეძლებულ პირებს უფლებას აძლევენ, არჩევნებში ყველგან მონაწილეობა მიიღონ, სადაც-კი უძრავი ქონება მოეპოებათ.

ვთქვათ, რომელსამე მემამულეს ოთხ საარჩევნო ოლქში აქვს მიწა-წყალი. ცხადია, ამ წესის ძალით, იგი ოთხსავე ოლქში აირჩევს წარმომადგენელს, ე. ი. სხვებთან შედარებით ოთხჯერ მეტი კენჭი ექნება.

ამიტომ, საჭიროა, ერთ კაცს მართო ერთ საარჩევნო ოლქში ექნეს კენჭის ყრის უფლება, სულ ერთია, რა შეძლების პატრონიც გინდა იყოს.

ესევე უნდა ვთვათ სხვადასხვა—გვარ ამხანაგობასა, კომპანიასა და საზოგადოებაზე, ანუ, ეგრეთწოდებულ „იურიდიულ პირებზე“: კენჭი მხოლოდ „ფიზიკურს პირს“ უნდა ეკუთნოდეს და არა რომელსამე დაწესებულებას.

წინააღმდეგ შემთხვევაში მოსალოდნელია, ერთმა და იმავე პირმა ერთსა და იმავე ოლქში პირველათ თავის მაგივრათ ჩააგდოს კენჭი, მეორეთ—როგორც რომლისამე ქარხნის რწმუნებულმა, მესამეთ—როგორც მადნების წარმომადგენელმა, მეოთხეთ—როგორც წარმომადგენელმა ხე-ტყის წარმომებისამ და სხვა.

ცხადია, ამგვარი წესი თანასწორობად ვერ ჩითვლება. ამიტომ საჭიროა, არავითარს „იურიდიულ პირს“ საარჩევნო უფლება არ ჰაეცეს.

VII.

პირდაპირი საარჩევნო უფლება.

პირდაპირი საარჩევნო პრინციპი მოითხოვს, რომ ამომრჩევლებმა პირდაპირ იმ დაწესებულები-

სათვის აირჩიონ წარმომადგენლები, რომელმაც კანონები უნდა შეიმუშაოს.

მაგრამ არის, ეგრეთ წოდებული, **ორ-კეცი** საარჩევნო წესი, რომელიც აღნიშნულ პრინციპს ვერ ეთანხმება.

ამ წესის ძალით, ხალხი პირდაპირ დეპუტატს კი არ ირჩევს, არამედ დეპუტატების ამომრჩევლებს, რომლებმაც შემდეგ თვითონ უნდა აირჩიონ ხალხის წარმომადგენლები.

მაგრამ ხანგძლივმა გამოცდილებამ დაამტკიცა, რომ ეს წესი ზოგიერთ შემთხვევაში სრულიათ **ზედმეტი** და ულაგოა, ზოგიერთში კი-პირდაპირ **მავნებელი**.

ზედმეტია, რადგან საღაც ეს წესი არსებობს (მაგ. ამერიკაში), ხალხი თვის-მიერ არჩეულ ამომრჩევლებს ვალად უდებს—უსათუოთ ის დეპუტატი აირჩიონ, რომელიც თვითონ ხალხსა სურს. ასე რომ, ბოლოს და ბოლოს, თუ არჩევნები სინდისიერათ წარმოებს, დეპუტატების ამომრჩეველი იგივე ხალხი გამოდის და არა მისი რწმუნებული.

მაგრამ, ამ წესით უფრო ხშირათ მდიდრები და გავლენიანი პირები ბოროტ—სარბებლობენ ხელმე.

მართლაც, სანამ დეპუტატების არჩევანი მთელი ოლქის ხელშია, მანამ ვერც ერთი გავლენიანი პირი ვერ შესძლებს, ამომრჩეველთა უმრავლესობა თავის მხარეზე გადაიყვანოს. მაგრამ, როცა დეპუ-

ტატის ამომრჩევლად 50 ან 100 რწმუნებული გამოდის, მაშინ კი ძნელი დასაჯერებელია, მოსყიდვას, შეშინებას, ბრძანებასა და ძალდატანებას ადგილი არ ექნეს.

სწორეთ ამიტომ, საარჩევნო წესი პირდაპირი ანუ ერთ-კეცი უნდა იყოს და არა ორ-კეცი ან მრავალკეცი.

VIII.

ფარული საარჩევნო უფლება.

უკანასკნელ, საარჩევნო უფლება უნდა იყოს საიდუმლო ანუ ფარული, ე. ი. ვერავინ ვერ უნდა გაიგოს, თუ სახელდობრ რომელმა ამომრჩეველმა ჩაუგდო კენჭი ამა თუ იმ დეპუტატს.

ამგვარათ ჩაგდებულ კენჭს დახურული კენჭი ჰქვია.

დახურული კენჭი იმისთვისაა საჭირო, რომ ამომრჩეველს თავისუფლათ შეეძლოს, სწორეთ ის კაცი აირჩიოს, რომელიც სურს და სასარგებლოდ მიაჩნია.

მაგრამ, როცა კენჭი ახდელია, ყველა ამომრჩეველი თავისუფლათ ვერ მოქმედობს: ზოგს მთავრობისა ეშინია, ზოგს ნათესავის ხათრი აქვს; მუშას დამჭირავებლისა ეფიქრება, მოხელეს—უფროსისა და სხვა.

ამის წყალობით, ხშირათ მოხდება, რომ ამომრჩეველი იმას კი არ ირჩევს, ვინცა სურს და სასარგებლოთ მიაჩნია, არამედ იმას, ვინც მისს უფ-

როსს ან დამქირავებელს მოსწონს, ან კიდევ ვისაც მთავრობა უბრძანებს.

დახურულ კენჭის დროს კი ძნელი წარმოსადგენია, ვისსამე შიშსა და მოხატრებას ამომრჩევლის გულში ადგილი ექნეს.

მართალია, თვით ისეთი პატივცემული მოაზრეც კი, როგორც ჯონ-სტიურარტ მილლი იყო, დახურულ კენჭის ყრას ეწინააღმდეგებოდა და ამობდა: „ვინც სახელმწიფოს მართვაში ერევა, გამბედაობაც უნდა ჰქონდეს და თავისი შეხედულობის გამოქვეყნებისა არ უნდა ეშინოდესო“.

მაგრამ, სამწუხაროთ, ამ გმირ მოაზრის საბუთით მის დროსვე ბევრმა სრულიათ არა—გმირმა არსებამ დაიწყო სარგებლობა თავის მოწინააღმდეგე ამომრჩეველთა ასალაგმავად. ამის გამო, 1872 წელს, ინგლისის ლიბერალურმა სამინისტრომ სამუდამოთ უარ-ჰყო ახდილი არჩევნები და დახურული კენჭის ყრა შემოიღო.

დახურული კენჭის ყრა არის მიღებული დასავლეთის ყველა მოწინავე სახელმწიფოში (საფრანგეთსა, შვეიცარიასა, გერმანიაში, პრუსიის გარდა, და ჩრდიოლეთ ამერიკაში).

ცხადია, ამ გონივრულ წესს უნდა დაადგეს ჩვენი ქვეყანაც.

IX.

პასიური საარჩევნო უფლება.

როგორც ზემოთ გავარკვიეთ, აქტიური საარ-

ჩვენო უფლება უნდა იყოს: საყოველთაო, თანასწორი, პირდაპირი და ფარული.

საყოველთაო და თანასწორი უნდა იყოს პასიური უფლებაც, ე. ი. ყოველს 20 წლის კაცსა და ქალს უნდა შეეძლოს დეპუტატად არჩეულ-იქნას.

ნურავინ იფიქრებს, ვითომც 20 წლის ქაბუკს არ შეეძლოს დეპუტატობა მოახერხოს.

მართალია, ოცი წლის ყველა კაცი და ქალი დამფუძნებელი კრების წევრად ვერ გამოდგება ისე, როგორც ვერც ყველა ოცდა-ხუთ და ოცდა-ათ წლოვანი მოქალაქე გამოდგება ამ საქმისათვის, მაგრამ დეპუტატს ხომ ხალხი ირჩევს და, მაშასადამე, დიდი უნდობლობა უნდა ჰქონდეს კაცს ხალხისადმი, რომ იფიქროს, თითქო ხალხი თავისს წარმომადგენელს აჩქარებითა და დაუკვირვებლათ აირჩევსო. თუ იმ პირობას შევასრულებთ, რომელიც მეორე თავში მოვიხსენეთ, ხალხს აგრე რიგადაც არ გაუჭირდება დამფუძნებელ კრებისთვის შესაფერი კანდიდატი აირჩიოს.

რაც საყოველთაო და თანასწორ აქტიურ უფლებების შესახებ ვთქვით, პასიურ სარჩევნო უფლებების შესახებაც იგივე უნდა ითქვას: მისი შეზღუდვა არ უნდა შეიძლებოდეს არც ეროვნებით, არც სქესით, არც ქონებით და არც სხვა მსგავსი პირობით.

პასიური უფლებაც იგეთივე უნდა იყოს, როგორც აქტიურია. ყველგვარი შეზღუდვა აქ საგანს-

მხოლოდ გაართულებს და არჩევნებს გააძნელებს; საქმეს კი ბრჩხილის ოდნათაც წინ ვერ წასწევს.

მაგრამ, ვთქვათ, რომელმამე ოლქმა ქონებრივად ხელმოკლე დეპუტატი აირჩია, რომელიც ოჯახს საკუთარი შრომით ინახავს. შესძლებს კი ასეთი დეპუტატი, თავისს საქმეზე ხელი აიღოს, ოჯახი ულუკმა-პუროდ მიატოვოს და შორს დამფუძნებელ კრებაზე წავიდეს, სადაც, ვინ იცის, რამდენ ხანს მოუხდება ცხოვრება?

ცხადია, იგი იძულებული იქნება დეპუტატობაზე უარი განაცხადოს და ხალხს არჩევანი გაუცროუს.

ამიტომ აუცილებლათ საჭიროა, ყოველ დეპუტატს ხაზინიდან საკმაო ჯამაგირი დაენიშნოს. მართალია, ზოგიერთი სქელ—ჯიბა „ფილოსოფოსი“ იტყვის და მასთან სხვაც ბევრი გაიმეორებს, რომ დეპუტატობა საზოგადო საქმეა და ნუ თუ ყოველი პატიოსანი მოქალაქე ვალდებული არაა საზოგადო საქმეს უსასყიდლოდ ემსახუროსო.

მაგრამ ამ თავის-თავათ სიმპატიურ აზრს სარჩული ყოველთვის სიმპატიური როდი უძევს, ხოლო შედეგი ხშირათ ძლიერ სამწხარო აქვს. ამიტომ დეპუტატს უსათუოთ გადაქრილი ჯამაგირი უნდა მიეცეს. ვისაც არ სურს და ქონება ნებას აძლევს, შეუძლია სადეპუტატო ჯამაგირზე უარი სთქვას, მაგრამ კანონით კი ყოველ დეპუტატს უნდა შეე-

ძლოს თავის გასამოჯელოდ დაწესებული ჯამაგირი მიიღოს.

ამით ვათავებთ საარჩევნო უფლების შესახებ საუბარს და თვით არჩევნებზე გადავდივართ.

X.

ა რ ჩ ე ვ ნ ე ბ ი ს წ ა რ ა დ გ ი ნ ა .

საარჩევნო ბიუროსაგან დანიშნულ დღეს ყველა სრულწლოვანი მოქალაქე ვალდებულია ბიუროში გამოცხადდეს და საარჩევნო ბარათი წარადგინოს. როცა ბარათს პატრონი კენჭის ყრას გაათავებს, ამ ბარათზე ბიურო დააწერს, რომ აღნიშნულმა ამომრჩეველმა ერთგან უკვე კენჭი ჰყარა, და მასაც ნება აღარ ექნება სხვა ბიუროში სხვას ვისმე კენჭი უყაროს.

თვით კენჭის ყრის წესი (არჩევნები) ორგვარია: ა) თვითმული კანდიდატისა ცალ-ცალკე და ბ) რამდენისამე კანდიდატისა ერთთ. პირველს იდინვიდუალურს ანუ სათვითოო არჩევანს ექახიან, მეორეს კი სიით არჩევანს (Scrutin de liste), რადგან ამ უკანასკნელ შემთხვევაში რამდენისამე კანდიდატის სახელი ერთ სიაზეა დაბეჭდილი და, თუ ამომრჩეველმა ერთი მათგანი აიჩია, უსათუოთ დარანჩენებიც უნდა აირჩიოს. ხოლო როცა ინდივიდუალური კენჭის ყრას, მაშინ, სიაში თუნდ ათი კანდიდატის გვარიც იყოს ჩაწერილი, ამომრჩეველი მარტო ერთს მათგანს ჩაუვდებს კენჭს, დანარჩენებს კი წაშლის.

ცხადია, როდესაც საარჩევნო ოლქიდან მარტო ერთს დეპუტატს თხოულობენ, მაშინ მხოლოდ

პირველგვარი, ანუ ინდივიდუალური არჩევანია მოსახერხებელი.

მაგრამ მოხდება, რომ მთავრობა მთელ მხარეს ახალ საარჩევნო ოლქებად არ დაჰყოფს, არამედ უკვე არსებულს თვითეულს გუბერნიას სამს ან ოთხს დეპუტატს მოსთხოვს. ამ შემთხვევაში ყოველი ჯგუფი და ყოველი პარტია მოვალეა სამ-სამი ან ოთხ-ოთხი კანდიდატი წამოაყენოს და ყველანი ერთ სიაში მოათავსოს. როცა კენჭის ყრა დაიწყება, ამომრჩევლებს ყველა ჯგუფისა და პარტიების სიებს მისცემენ ხელში, და შემდეგ თვით მასზეა დამოკიდებული, თუ რომელ სიას მიიღებს (კენჭს ჩაუგდება) და რომელს უარჰყოფს.

ამგვარს კენჭის ყრას უმეტესათ მაშინ მიმართავენ ხოლმე, როდესაც აზრად აქვთ საერო კრებაში, რამდენადაც კი შესაძლებელია, ერთ-გვარს დეპუტატებს მოუყარონ თავი. მართალია, ამგვარ კენჭის ყრას ზოგჯერ რეაქციონური დასები ბოროტად გამოიყენებენ ხოლმე, მაგრამ ვერც იმას უარვყოფთ, რომ ამავე წესით პროგრესიულ დასებსაც ადვილათ შეუძლიათ ისარგებლონ და საკანონმდებლო კრებაში უმეტესათ პროგრესიული დეპუტატები გაგზავნონ.

ამ შემთხვევაში—როგორც პროგრესიული, ისე რეაქციონური დასები შემდეგ ხერხს მიმართავენ ხოლმე: სიის თავში ყველა დასების და პარტიებისათვის სასურველ კანდიდატს მოათავსებენ, ხოლო

ქვემოთ თავის საკუთარს, მაგრამ ნაკლებათ ცნობილს კანდიდატებს მიაყოლებენ. უეჭველია, როცა გამოუცდელი და გულუბრყვილო ამომრჩეველი ასეთს სიას აიღებს, ჯერ პირველი კანდიდატის გვარს ამოიკითხავს; იფიქრებს, შესაძლოა, დანარჩენი კანდიდატებიც ამისთანანი იყონო, და მთელ სიას კენჭს ჩაუდებს.

მართალია, ეს ერთგვერი ოინია, მაგრამ ოინი — ზოგჯერ მარგებელი, ზოგჯერ მავნებელი. სუსტი მხარე ამ წესსაც ბევრი აქვს და ინდივიდუალურ არჩევანსაც. ამიტომ ჯერ-ჯერობით საბოლოოთ გადაჭრილი არ არის, თუ ამ ორ წესში რომელია უმჯობესი. სწორეთ ამავე მიზეზით ჩვენც აქ მათს შედარებას აღარ გამოვუდგებით. ცხოვრება და გამოცდილება თვითონ გვიჩვენებს, თუ ამ ორ წესში რომლის რომელი გამოდგება და ხალხმა რომელს უნდა მიმართოს.

დასასრულ, ვიკითხოთ: როგორ უნდა მოიქცენ ის პირები, რომელთაც წერა-კითხვა არ იციან? კენჭი ხომ უსათუოთ დახურული უნდა იყოს? ამ კითხვაზე ორ-გვარ პასუხს იძლევიან.

ზოგნი ფიქრობენ: კენჭის ყრის საიდუმლოება ისე მტკიცეთ უნდა იქნეს დაცული, რომ იმ დროს, როცა ამომრჩეველი კანდიდატების სიას ათვალთვრებს და ასარჩევ კანდიდატის გვარს ეძებს, იმისი მოწმე თვით უახლოესი მეგობარ-ნათესავიც კი არ უნდა იყოსო.

ამისდა მიხედვით ესენი ურჩევნ: ყოველმა პარტიამ თავისი კანდიდატის სახელი და გვარი განსაკუთრებულ ფერის ქაღალდზე უნდა დაბეჭდოს და ამომრჩევლებს წინდაწინვე გამოუცხადოს, რომ ამა-და-ამ პარტიის კანდიდატის სახელი ამა-და-ამ ფერ ქაღალდზეა დაბეჭდილიო.

ვთქვათ, რომელსამე ამომრჩეველს სურს, კენჭი ნაციონალისტების კანდიდატს ჩაუგდოს. იგი მიდის საარჩევნო ბიუროს წევრების წინ, მაგიდასთან, მიიღებს ყველა პარტიის ფურცლებს, შედის იქვე ცალკე ოთახში და, მოწმის დაუსწრებლათ, იღებს იმ ფერის ქაღალდს, ვსთქვათ მწვანეს, რომლის შესახებაც წინ-დაწინ გამოცხადებული იყო, ნაციონალისტების კანდიდატების გვარი ამ—ფერს ქაღალდზედაა დაბეჭდილიო. შემდეგ ამ ქაღალდს იქვე სქელი კონვერტში ჩასდებს, გამოდის საარჩევნო მაგიდასთან, სადაც ბიუროს წევრები სხედან, და კონვერტს საარჩევნო ყუთში ჩააგდებს. ამას ჰქვია „კენჭის ყრა“.

ცხადია, ამ შემთხვევაში კენჭი დაფარული იქნება, რადგან სქელი კონვერტის გამო, ვერც ერთი იქ დამსწრე ვერ გაიგებს, თუ ამომრჩეველმა რომელი პარტიის კანდიდატს ჩაუგდო კენჭი.

მაგრამ ამგვარი ხერხი მხოლოდ მინამდევა გამოსადეგი, სანამ ასარჩევ კანდიდატების რიცხვი ხუთს ან ექვსს არ აღემატება, თორემ როცა კანდიდატი ბევრია, მაშინ, უეჭველია, საარჩევნო ფურცლებიც

მრავალ-ფერი იქნება და ძლიერ საექვოა—ამომრჩეველმა ყველა ეს ფერები ზეპირათ დაიხსომა სხვადასხვა პარტიის კანდიდატები ერთმანეთში არ არიოს.

ამიტომ, სანამ მთელი ხალხი წერა-კითხვას ისწავლიდეს, საჭიროა მეორე აზრსაც გავეცნოთ.

ამ აზრის მიმდევარნიც პრინციპიალურათ თანახმა არიან, რომ კენჭის ყრა დახურული უნდა იყოს, მაგრამ, დასძენენ, დიდი უსამართლობა იქნება ამ საბუთის ძალით ამომრჩეველთა სიიდან ყველა ის პირები გამოვრიცხოთ, რომელთაც წერა—კითხვა არ იციანო. უმჯობესია, ამ შემთხვევაში კენჭის საიდუმლოება მცირეოდნათ დაირღვეს, ვინემ ხალხის დიდი ნაწილი უკენჭოდ დარჩესო.

სახელდობრ, დიდი ცოდვა არ იქნება, რომ, ვინც წერა-კითხვა არ იცის, საარჩევნო ფურცლები თავის ერთგულ მეგობარს და სანდო პირს წააკითხოს, ან წერა-კითხვის მცოდნე თავისი შვილი მოიხმაროს. მართალი რომ ვთქვათ, ეს კენჭის საიდუმლოების დარღვევაც არ იქნება, რადგან კენჭის საიდუმლოება მხოლოდ მაშინ ირღვევა, როცა ყველა შეიტყობს, თუ ვის ჩაუგდო კენჭი ამომრჩეველმა. ერთსა და ორს თავის ერთგულ მეგობარს კი, ჩვეულებრივ, არც ის ამომრჩეველები უმაღავენ ხოლმე თავისს მოქმედებას, რომელთაც წერა-კითხვა იციან და კენჭის ყრას სრული საიდუმლოებით ასრულებენო.

უკანასკნელ, როცა კენჭის ყრა გათავდება,

ბიუროს წევრები კენჭის თვლას შეუდგებიან. რომელ კანდალატსაც მეტი კენჭი აღმოაჩნდება, ის იქნება არჩეული.

ვთქვათ, საარჩევნო ყუთში 1000 კენჭია. ამ ათას კენჭში ერთს კანდიდატს, შოთას, 200 კენჭი რგებია; მეორეს, ვახტანგს—350; მესამეს ლუარსაბს—450. აქ ყველაზე მეტი ლუარსაბის კენჭია (450). მაშასადამე, არჩეულიც ის იქნება.

მაგრამ ზოგიერთ ქვეყნებში არჩეულად მხოლოდ იმ კანდიდატს სთვლიან, რომელსაც ყველა კენჭების ნახევარზე მეტი რგებია, ე. ი. 1000-იდან ხუთას-ერთი, ხუთას ორი და სხვა. ხოლო 2000-იდან ათას-ერთი, ათას-ორი და სხვა.

კენჭის ანუ ხმის პირველ-გვარს უმეტესობას უბრალო უმეტესობას ეძახიან, მეორე გვარს-კი აბსოლიუტურს.

თვით იმ ქვეყნებშიაც-კი, სადაც აბსოლიუტური უმეტესობაა მიღებული, ხშირათ მოხდება, რომ პირველ კენჭის ყრის დროს არც ერთს კანდიდატს არ ერგება აბსოლიუტური უმეტესობა, ე. ი. ყველა კენჭის ნახევარზე მეტი. მაშინ განმეორებითი კენჭის ყრა ინიშნება. მაგრამ განმეორებით კენჭს ყველა კანდიდატს კი არ უყრიან, არამედ ორს უკანასკნელს კანდიდატს, რომელთაც დანარჩენ კანდიდატებზე უმეტესი კენჭი რგებიათ. მაშასადამე, თუ ზემოთ დასახელებულს მაგალითს

ავიღებთ, განმეორებით კენჭი ვახტანგსა და ლუარსაბს უნდა ეყაროს.

ამ შემთხვევაში დიდი მნიშვნელობა ექნება იმას, თუ რომელი კანდიდატის მხარეს დაიჭერენ პირველი კანდიდატის (შოთას) ამომრჩეველნი, სულ 200 კაცი.

ვთქვათ ვახტანგის მხარე დაიჭირეს. მაშინ ვახტანგს 550 (350+200) კენჭი ერგება და, მაშასადამე, არჩეულიც ის დარჩება, თუმცა პირველ შემთხვევაში უმეტესობა (უბრალო) ლუარსაბისა იყო. ასეთია არჩევნების წეს-რიგი.

XI.

პროკორციალური არჩევნები.

წინა თავში ჩვენ გავეცანით, თუ რაში მდგომარეობს უბრალო და აბსოლიუტური უმეტესობა კენჭისა; გავიგეთ აგრეთვე, როს აბსოლიუტურ უმეტესობას იმ ქვეყნებში მიმართავენ ხოლმე, სადაც განმეორებით არჩევნებია მიღებული. რომ ჩვენი აზრი მკითხველისთვის ადვილგასაგები გაგვეხადა, ზემოთ ჩვენ მეტათ მარტივი მაგალითი მოვიყვანეთ; მაგრამ ცხოვრებაში ასეთი მაგალითები ან სრულებით არ არის, ან მეტათ იშვიათია; აქ საქმე შედარებით უფრო რთული და დახლართულია, ვინემ ეს პირველ შეხედვით გვეჩვენება. ცხოვრებაში ორი და სამი პარტია კი არა, ოთხი, ხუთი და მეტი სხვა და სხვა პარტია მოქმედობს: სოციალ-დემოკრატი, სოციალ-რევოლიუციონერი, ფედერალისტი, ლიბერა-

ლი, კონსერვატორი და სხვანი, — და ყველა მათგანსა სურს დამფუძნებელ კრებაში თავისი წარმომადგენელი გაგზავნოს. საქმის გასაადვილებლათ კიდევ უბრალო მაგალითი ავიღოთ: ვთქვათ, რუსეთის რომელსაჲე ოლქში 10,000 სრულწლოვანი ამომრჩეველია, რომელნიც პარტიების მიხედვით ასე არიან დანაწილებული:

- | | |
|------------------------------|------|
| 1) კონსერვატორი | 4000 |
| 2) ღიბურაღი | 2000 |
| 3) რევოლუციონერები | 1400 |
| 4) სოციალდემოკრატი | 2000 |
| და 5) ფედერალისტი | 600. |

ვთქვათ, მთელს ამ ოლქს 10 დელეგატი ჰყავს ასარჩევი უბრალო უმეტესობით. რასაკვირველია, თვითეული პარტია ათ-ათს კანდიდატს წამოაყენებს და ეცდება ათივე გაიყვანოს და გაგზავნოს დამფუძნებელს კრებაში. ცხადია ისიც, რომ ყველაზე უფრო მეტი კენჭი კონსერვატორების კანდიდატებს ერგებათ (რადგან მათი ამრჩევლები 4000-ია) და კრებაზედაც იგინი გაიგზავნებიან; მაშასადამე, ამ 10,000-ამომრჩევლიდან 6,000 კაცის კენჭი (ლიბერალებისა, სოციალ-დემოკრატებისა, რევოლუციონერებისა და ფედერალისტებისა) სრულიათ ფუჭად ჩაივლის, რადგან ვერც ერთი მათგანი საკუთარს კანდიდატებს იმდენს კენჭს ვერ ჩაუგდებს, რომ 4000-სს გადააქარბოს. ამ რიგათ გამოვია, რომ კრებაზე წარმომადგენელს გაგზავნის არა უმრავლეს-

სობა (6000 კაცი) ოლქის მცხოვრებისა, როგორც ამას კანონიერება და სამართალი მოითხოვს, არამედ უმცირესობა (4000 კაცი) და ისიც კონსერვატორები. ამ გარემოებას ვერაფერს უშველის ვერც განმეორებითი არჩევნები, ე. ი. აბსოლიუტური უმეტესობა, რადგან ყოველათ შეუძლებელია სოციალ-დემოკრატები ლიბერალებს შეუერთდნენ და მათს კანდიდატს ჩაუგდონ ერთობლივ კენჭი; მაგრამ ეს დაუჯერებელი ამბავიც რომ მოხდეს, მათი კენჭის საერთო რიცხვი ($2000 + 2000 = 4000$) კონსერვატორებისას მაინც ვერ გადაარქარბებს და არჩევნები დაუსრულებელი დარჩება; ასევე მოხდება რევოლიუციონერები და ფედერალისტებიც რომ შეერთდნენ და მარტო ლიბერალურს (2000), ან მარტო სოციალ-დემოკრატიულს პარტიას მისცენ მხარი; აქაც კენჭის რიცხვი 4000-ზე მეტი არ იქნება.

რომ ასეთი უთანასწორობა და უხერხულობა თავიდან აიცილინონ, ზოგიერთ ქვეყნებში შემოდებულია, ეგრეთ წოდებული, **პროპორციონალური არჩევნები**. რაში მდგომარეობს ეს არჩევნები?

საქმის გასაადვილებლათ იგივე რიცხვი და ამომრჩეველ პარტიათა იგივე პროპორცია ავიღოთ: ვთქვათ ამა თუ იმ ოლქში 10000 ამომრჩეველია, პარტიების მიხედვით იმგვარათვე დანაწილებული, როგორც ზემოთ აღვნიშნეთ, და ასარჩევიც 10 კანდიდატი ჰყავთ. თუ გვსურს, არჩევნები **პროპორციონალურის წესით** მოვახდინოთ, ასე უნდა მო-

ვიქცეთ: ამომრჩეველთა საერთო რიცხვი 10000 უნდა გავყოთ 10-ად ე. ი. იმდენათ, რამდენიც ასარჩევია, და ამითი შევიტყობთ, თუ თვითფულ კანდიდატს საშუალო რიცხვით რამდენი კენჭი უნდა ერგოს; $10000: 10=1000$, მაშასადამე თვითფულს დელეგატს უნდა მოუვიდეს არა ნაკლებ 1000-ის კენჭისა (და არა ყველა კენჭების ნახევარზე მეტი ან დანარჩენებზე მეტი, როგორც ამას აბსოლიუტურის ან უბრალო უმეტესობის სისტემა მოითხოვს). შემდეგ ამ 1000-ზე უნდა გავყოთ ყოველი პარტიის ამომრჩეველთა რიცხვი და შევიტყობთ, თუ თვითფულმა პარტიამ რამდენი დელეგატი უნდა აირჩიოს. თუ ჩვენს მაგალითს ავიღებთ, აღმოჩნდება რომ კონსერვატორებმა უნდა აირჩიონ — 4 წარმომადგენელი, ლიბერალებმა — 2, სოციალდემოკრატებმა — 2 და რევოლიუციონერებმა — 1. ამ რიგათ, მივიღებთ სულ 9 წარმომადგენელს; დაგვრჩება ასარჩევი კიდევ ერთიც.

ეს უკანასკნელი რომელმა და პარტიამ უნდა აირჩიოს?

ზოგიერთ ქვეყნებში ამბობენ: აურჩეველი კანდიდატი იმ პარტიამ უნდა აირჩიოს, რომელსაც ყველაზე მეტი წევრი ჰყავსო, (ე. ი. ჩვენს მაგალითში კონსერვატორებმა) და ამ აზრს იმით ასაბუთებენ, რომ, უმეტესობის სისტემით რომ ყოფილიყო არჩევნები, მაშინ ხომ ყველა წარმომადგენლებს ეს პარტია აირჩევდა, და რა დიდი უსამართლობა იქ-

ნება. რომ რამდენიმე მეტი დებუტატი ამასვე ვარგუნოთო. მაგრამ, რა თქმა უნდა, ეს „საბუთი“ სიმართლისა და თანასწორობის მოყვარულ კაცს ვერ დააკმაყოფილებს; ამიტომ უმჯობესად უნდა ჩაითვალოს ის წესი, როცა აურჩეველს კანდიდატს იმ პარტიას არგუნებენ ხოლმე, რომელსაც სხვებთან შედარებით სათითაოთ ყველაზე მეტი ხმა ეკარგება. ჩვენს მაგალითს თუ ავიღებთ, აღმოჩნდება რომ ხმები მარტო ორ პარტიას ეკარგება: რევოლიუციონერებს—400 და ფედერალისტებს—600; მაშასადამე უკანასკნელი დებუტატი ფედერალისტებმა უნდა აირჩიონ, ამ რიგათ, 10000 კაციდგან მხოლოდ 400 კაცს არ ეყოლება წარმომადგენელი დამფუძნებელ კრებაში, დანარჩენი 9600 კაცი კი დაკმაყოფილებული იქნება.

ასეთია **პროპორციონალური არჩევნები**. საჭიროა, სანამ არჩევნები დაიწყებოდეს, ჩვენმა ხალხმა ამ წესსაც მიაქციოს ჯეროვანი ყურადღება.

XII

დაფუძნებელ კრებაზე.

დასასრულ, აგერ, დელეგატებიც არჩეული არიან და კრებაზე მიდიან. აგერ კრების პირველი სხდომაც გაიხსნა. ორატორები სალაპარაკოდ მოემზადნენ. საზოგადოება გულის ფანცქალით ელის, თუ რას იტყვიან ორატორები და როგორს მიმართულებას მიიღებს მათი სიტყვა და მოქმედება: ხალხის უმრავლესობის ინტენრესებს გამოვსარჩლე-

ბა იგი, თუ მთავრობისა და ერთიმუქა ბურჟუაზიისას.

ამ კითხვის გადაწყვეტა მთლათ იმაზეა დამოკიდებული თუ: ა) ვისგანაა არჩეული ამ დელეგატების უმრავლესობა, ბ) რა გარეგანს პირობებში მოუხდებათ მათ მოქმედება და გ) რამდენათ ძლიერი და ენერგიული იქნება თვით ხალხის ზნეობრივი გავლენა ამ კრების წევრთა სიტყვასა და მოქმედებაზე.

პირველი პირობის შესახებ ჩვენ უკვე გვქონდა საუბარი, როდესაც საარჩევნო უფლება განვიხილეთ. რაც შეეხება მეორე პირობას, აუცილებლათ საქიროა კრების სხდომები და ორატორთა პიროვნება როგორც საკრებულო დარბაზში, ისე მის გარეშეც სრულიათ ხელშეუხებელი იქნეს პოლიციისა და, საზოგადოათ, მთავრობის მხრით; რა გინდ ფრიად ძლიერი სიტყვაც იხმაროს ორატორმა მთავრობის საზიზღარ საქციელის წინააღმდეგ, არავითარს პოლიციას, არავითარს მთავრობის აგენტს უფლება არ უნდა ექნეს დელეგატს ხელი შეახოს ან პასუხის გებაში მისცეს; ყოველი დელეგატის პიროვნება წმინდათა-წმინდად უნდა იქნეს მიჩნეული მთავრობისაგან და მხოლოთ ხალხს, მის ამრჩევ საზოგადოებას, აქვს უფლება თავის დელეგატის ქცევა მოიწონოს ან დაიწუნოს, მის მოქმედებას ზიზღი გამოუცხადოს ან ქება შეასხას და წააქეზოს.

მაგრამ, რომ ხალხს ნამდვილათ ექნეს შეძლება თავის დელეგატთა მოქმედებას ღირსეული მსჯავ-

რი დასდოს, აუცილებლათ საჭიროა, კრების სხდომები ახდლილი ანუ საჯარო იქნეს; ამიტომ როგორც საკრებულო დარბაზი, ისე თვით ის ქალაქის უბანიც, სადაც კრება გაიმართება, ყველა ჯგუფისა და პარტიის წარმომადგენელთათვის დასამხრობი და ხელმისაწდომი უნდა იყოს; ამასთანავე ყოველი ორატორის სიტყვა, სხდომის ყოველი გარდაწყვეტილება, თუ ვრცლათ არა, შემოკლებით მაინც უსათუოთ გაზეთებში უნდა იბეჭდებოდეს და იმავე ან მეორე დღეს კრების თავმჯდომარისაგან დებეშით რუსეთის ყველა ქალაქებში უნდა იგზავნებოდეს, რათა მთელი რუსეთის ხალხს საშვალეება მიეცეს, თვის მიერ არჩეულ დელეგატების ყოველ სიტყვას თვალყური ადევნოს და მათს მოქმედებაზე დროიანათ საჭირო გავლენა იქონიოს.

ერთი სიტყვით, დამფუძნებელი კრება უნდა იქნეს მთავრობის გავლენისაგან **სრულიათ თავისუფალი** და თან საჯარო ანუ პირდაპირ ხალხის კონტროლის ქვეშ მყოფი.

ასეთი უნდა იყოს დამფუძნებელი კრების ფორმალური მხარე, მისი გარეგანი მდოგარეობა.

დაგვრჩა განსახილველი დამფუძნებელი კრების შინაგანი მხარე, მისი უმთავრესი მიზანი ანუ საგანი.

ამ წიგნაკის პირველ თავში ჩვენ შევნიშნეთ, რომ დამფუძნებელი კრების მიზანია შეიმუშაოს ის **ძირითადი კანონები**, რომელნიც სახელმწიფოს

მომავალს მართვა-გამგეობას საფუძვლად დაედება და მოქალაქეთა უფლებას განსაზღვრავსო.

მაშასადამე დამფუძნებელი კრების პირდაპირი საგანი ყოფილა—**ძირითადი კანონების შემუშავება**. რას უნდა შეეხებოდეს ეს კანონები? ან უკეთ რომ ვთქვათ, რა უნდა დააკანონოს დამფუძნებელმა კრებამ?

თავდაპირველათ დამფუძნებელმა კრებამ უნდა დაამტკიცოს და ძირითად კანონად აქციოს: სრული თავისუფლება სიტყვისა და ბეჭდვისა, კრებისა და ყრილობისა, ხელუხლებობა პიროვნებისა და ბინისა.

ამავე კრებამ უნდა დააკანონოს სრული თავისუფლება სინდისისა და სწავლებისა, თანასწორობა სარწმუნოებათა და ეროვნებისა; ამავე მუხლში შედის განშორება ეკლესიისა და სახელმწიფოსი.

დასასრულად, დამფუძნებელმა კრებამ უნდა მოახდინოს სრული რეორგანიზაცია რუსეთის იმპერიისა ფედერატიულ პრინციპების თანახმად. მთელი რუსეთი უნდა დაიყოს რამდენსამე ფედერატიულ მხარედ (პოლონეთი, უკრაინა, ამიერკავკასია, ფინლიანდია და სხვანი); და თვითეულ მხარეს უფლება უნდა მიეცეს, თავის მართვა-გამგეობის მოსაწყობად საკუთარი დამფუძნებელი კრება მოიწვიოს საყოველთაო, პირდაპირი, თანასწორი, ფარული და პროპორციონალური კენჭის ყრით. შემდეგ ეს კრება თვითონვე გადასწყვეტს, მისცეს ადგილობრივს

ერებს ან ოლქებს ავტონომიური მართვა-გამგეობა, თუ არა.

ამ რიგათ, მთელი რუსეთი დანაწილებული იქნება რამდენსამე ფედერატიულ მხარედ და ავტონომიურ ოლქად. თვითეულს ოლქს ეყოლება საკუთარი წარმომადგენლობითი კრება ანუ პარლამენტი; აგრეთვე ყოველ ფედერატიულ მხარესაც და მთელს რუსეთსაც. სრულიად რუსეთის პარლამენტი ანუ „სათათბირო“ განიხილავს და განაგებს მხოლოდ ისეთს საქმეებს, რომელნიც მთელს რუსეთს შეეხება: არმიას, ფლოტს, ბაჟებს, სახელმწიფოს ვალებს, საგარეო პოლიტიკას და ფულის—მოქრას.

რაც შეეხება სახელმწიფო ბანკებსა და რკინის გზებს, ამათი მართვა—გამგეობაც ფედერატიულ საფუძველზე უნდა მოეწყოს; ფედერატიული მხრის-პარლამენტს უნდა გადაეცეს ისეთი საქმეები, რომელნიც მთელ მხარეს შეეხება, როგორცაა მაგალითად: ფოსტა, ტელეგრაფი, უუმაღლესი განათლება, მთელს მხარეზე გადასახადების გაწერა, რკინის გზები და სხვანი. დანარჩენს ადგილობრივ საქმეებს კი (აგარარულს და სოციალურს კითხვებს, პირველდაწყებითსა და საშუალო განათლებას, სასამართლოს, პოლიციასა და სხვათ) ყოველი ავტონომიური ოლქი თვითონ უნდა განაგებდეს.

ასეთია უმთავრესი ძირითადი კითხვები, რომელნიც სრულიად რუსეთის დამფუძნებელმა კრებამ ზოგი თვითონ უნდა გადასწყვიტოს და თავის გა-

დაწყვეტილება ძირითად კანონად გამოაცხადოს, ზოგთა გადაწყვეტა ფედერატიულსა და ავტონომიურ დამფუძნებელ კრებებს უნდა გადასცეს; მაგრამ ამ თავითვე კი უნდა გადაჭრით გამოაცხადოს, თუ რას აძლევს იგი ამ ადგილობრივს კრებებს და რისი ვაკეთება შეეძლება მათ; და ეს გადაწყვეტილებაც იგივე ძირითადი კანონი იქნება.

1905წ.

ს. გორგასლიძე.



„ს ს ი ე ი ს“

ამხანაგობის გამოცემა

ფ ა ს ი

- წიგნი 1 ჟურნალზე გარიბალდი 10 კაპ.
2 დამფუძნებელი კრება 10 კაპ.

მზადდება დასაბეჭდათ მესამე წიგნი.

წიგნების საწყობი ჯეჯილის რედაქციაშია. იქვე
შეიძლება ხელთნაწერების მიტანა დასაბეჭდათ.

34

3 696

ფსლო 10 კსმ.